

Onartutako gastuen %100 justifikatuko da, ez Baztango Udalak emandako diru-laguntza kopurua bakarrik. Gastuak justifikatuko dira kultur elkartearen izenean dauden jatorrizko fakturen bidez; hauek, behin egiaztatu eta zigilatu ondoren, diru-laguntzaren eskatzaileari bueltatuko zaizkio. Faktura horietan bilduko dira legeek eskatzen dituzten datu guztiak eta baita jarduera edo zerbitzuaren deskripzio zehatza ere.

Hartu-agiriak onartuko dira bertze modu batez egiaztatu ezin diren gastuak zurrizko bakarrik, eta, edonola ere, hartu-agiria sinatzen duen pertsona ezin izanen da enpresaria edo profesionala izan; hala balitz, faktura egin eta ematera behartuta bailegoke. Hartu-agiriak datu hauek bildu behar ditu: jaulkitzailearen eta jasotzailearen izen-abizenak, IFZa eta helbidea; ekintza edo zerbitzuaren deskripzio zehatza; guztizko prezioa, eta tokia, data eta jasotzailearen sinadura.

Ematen den diru-laguntza bateraezina izanen da Baztango Udaleko bertze diru-laguntzekin, eta bateragarria izanen da bertze administrazio publiko batzuek, erakunde publiko edo pribatuak eta norbanakoek, nazio-koek zein atzerrikoek, ematen dituzten bertzelako diru-laguntzekin. Haien zenbatekoak, bakarrik edo denak baturik, ezin izanen du behin ere gainditu egin beharreko jardueraren kostua. Diru-sarreraren eta gastuen justifikazioa aztertutakoan, diru-sarrerak gastuak baino handiagoak direla ikusten bada, Baztango Udalak emandako diru-laguntzari gehiegizko diru-sarreraren zenbatekoa kenduko dio.

Ekitaldi batean diru-laguntza jasotzeak ez du ondoko deialdietan diru-laguntza jasotzeko inolako eskubiderik sortuko.

5. Irizpideak.

Diru-laguntza ezartzeko batik bat honako hauek hartuko dira aintzat:

- 1.–Jarduera tokiko kulturari lotua izatea lehenetsiko da. %10 arte.
- 2.–Euskararen erabilerari eta sustapenari laguntzea. %10 arte.
- 3.–Herriarren parte hartzea baloratuko da. Borondatezko lana kontuan hartuko da. %10 arte.

4.–Jarduera erakunde eskatzaileak berak eta haren kideek antolatua eta burutua izatea. %30 arte.

5.–Baztanen egoitza soziala duten erakunde desberdinen arteko elkarlana baloratuko da. Bi erakundek jarduera berbera aurkezten badute aurrekontua handiena duenak diru-laguntza jasoko du. %10 arte.

6.–Elizondotik kanpo egiten diren ekitaldiak, Baztango gainerako herrietan egiten direnak alegia, baloratuko dira. %10 arte.

6. Udalaren betebeharrak.

Diruz lagundutako jarduerak agendan sartzea, betiere antolatzaileek epearen barnean horren berri eman badute.

Udalak bere materialak, baliabideak, lokalak .. erabiltzen utzi behar du.

7. Onuradunaren betebeharrak.

Diru-laguntzak jasotzen dituztenek honako betebeharrak izanen dituzte:

–Diru-laguntzen onuradunek diru-laguntzan eman diren xedeetarako erabili behar dituzte eta hala izan dela agiriaren bidez ziurtatu.

–Onuradunek behin proiektua akituz gero, jardueraren oroitidazkia edo memoria, balantze ekonomikoa (gastuak eta diru-sarrerak) bai eta jarduera egiteko izandako gastuen frogagiriak, jatorrizkoak edo fotokopia konpultsatuak aurkeztu beharko dituzte, hurrengo urteko ilbeltzaren 15a baino lehenago.

–Onuradunek diruz lagundutako jarduerak finantzatzeko lortutako beste edozein laguntza, diru-laguntza, diru-sarrera edo baliabideren berri eman beharko diote Baztango Udalari.

–Onuradunek indarren dagoen araudia bete beharko dute, batez ere Baztango Udal esparruan euskararen erabilera eta sustapena arautzen dituen ordenantza.

–Onuradunek diru-laguntza jaso duten jardueren publizitate eta hedapenerako Baztango Udalaren ikurra erabili beharko dute.

–Onuradunek programaren garapenean gertatzen den edozein gora-behera, gertatzen den unean berean jakinarazi beharko diote Baztango Udalari.

Oinarrietan aurreikusitako betebeharren bat ez betetzeak laguntzaren baliogabetze osoa edo haren zati batena ekarriko du.

8. Diru-laguntzaren itzulketa.

Diru-laguntzak emateko eabazpena baliorik gabe utziko da eta jasotako diru-kopuruak itzuli beharko dira 38/2003 Legeak, azaroaren 17koak, diru-laguntzen gainekoak, II. Tituluko I. eta II. kapituluetan aurreikusitako egoeretan eta ezarritako moduan.

9. Arau-haustekak.

Ondoko portaerak dira diru-laguntza eta laguntza publikoen arloko administrazio arau-haustekak, baldin eta horietan dolu, erru edo, besterik gabe, arduragabekeria badago:

–Diru-laguntza edo laguntza bat eskuratzea, hori hartzeko baldintzak faltsutuz, edo hura eragotzi edo murriztuko zutenak ezkatuz.

–Jasotako kopuruak ez erabiltzea diru-laguntzaren xedeetan, baldin eta ez bada diru-laguntza itzuli aurretiko errekerimendurik gabe.

–Erakunde onuradunari edo zuzenbidezko edo egitatezko administrazio gisa aritutakoei egotz dakizkiekeen arazoengatik, diru-laguntza ematerakoan ezarritako eginbeharrak ez betetzea.

–Erabilera ez egiaztatzea, jasotako funtsen edo egiaztatgiri faltsuen ondorioz.

Lehen aipaturiko portaerak agertzen dituzten elkarte onuradunak izanen dira arau-hausteen erantzuleak.

Itzuli beharrean eta -halakorik badago- zehapenaren erantzuleak izanen dira, subsidiarioki, egitezko edo zuzenbidezko administrazioaileak; alegia, betebeharrak saihestu (nahiz eta beren esku egon), ez betetzea ekarri duten erabakiak hartu edo beren mendekoekin urraketa onartu zuten pertsona juridikoen administrazioaileak.

Gainera, jardunak utzi dituzten pertsona juridikoen itzuli beharreko zenbatekoen eta ordaindu beharreko zehapenaren erantzule subsidiarioak izanen dira egitezko edo zuzenbidezko administrazioaileak.

Administrazio espedientearen bidez ezarritako zehapenak; eta entitate interesdunari entzunaldia emanen zaio beti, erabakia hartu aitzin. Herri Administrazioen Araubide Juridikoari eta Administrazio Prozedura Erkideari buruzko Legean xedatzen denaren arabera tramitatuko da espediente hori.

Arau-hausteengatik isuna ezarriko da: gaizki lortu, gaizki aplikatu edo justifikatu gabeko zenbatekoa halako hiru, gehienez ere.

10. Errekurtsoak.

Deialdiak agiri honek bildutako baldintzei jarraituko die; agiriak ez bildutakoari dagokionez, ondoko arauari jarraituko die: Nafarroako Tokiko Administrazioaren Foru Legea, Nafarroako Tokiko Ogasunen Foru Legea, Nafarroako Ogasun Publikoaren Foru Legea eta, osagarri gisa, Aurrekontuen gaineko Lege Orokorra, diru-laguntzak arautzen dituen estatu mailan.

Oinarri hauen aurka eta haiek betearazteko hartzen diren administrazio egintzen aurka errekurtsio hauek edozein aurkeztu ahaliko da:

1.–Jakinarazpen hau jaso eta hurrengo hilabetean eta aukeran, beraztertzekoa, hura egin zuen udal organoari zuzendua (azaroaren 25eko 30/1992 Legea, urtarrilaren 13ko 4/1999 Legeak aldatua). Berraztertzeko errekurtsioa aurkezten bada, ezin da ez gora jotzekorik ez administrazio-arekikorik aurkeztu, harik eta lehenbizikoa ebatzi edo ustez ezesten den arte. Berraztertzeko errekurtsioaren eabazpenaren kontra ezin izanen da errekurtsio hori bera berriz aurkeztu.

2.–Hilabeteko epean, jakinarazpenetik hasita, gora jotzeko errekurtsioa, Nafarroako Administrazio Auzitegiari zuzendua (uztailaren 2ko 6/1990 Foru Legea). Errekurtso hau aurkezten bada, ez da administrazioarekikorik aurkezten ahaliko, harik eta gora jotzekoa ebatzi edo ustez ezesten den arte.

3.–Bi hilabeteko epean, jakinarazi eta biharamunetik hasita, administrazioarekiko auzi-errekurtsoa, jurisdikzio horretako organo eskudunari zuzendua (uztailaren 13ko 29/1998 Legea).

11. Diru-laguntzen araudia.

Diru-laguntza hauen lege oinarria ondoko hauek dira: oinarri hauek eta hauek ez ezik, dagokion urterako Baztango Udalaren aurrekontua betearazteko oinarriak; 6/1990 Foru Legea, uztailaren 2koa, Toki-Administrazioaren gainekoa; 38/2003 Legea, azaroaren 17koa, diru-laguntzei buruzkoa; uztailaren 21eko 887/2006 Errege Dekretua, Diru-laguntzei buruzko azaroaren 17ko 38/2003 Lege Orokorraren Erregelamendua onesten duena, eta horiekin bat datorren gainerako legeria.

L1506946

BAZTAN

Lekarozko Campus Enpresariala Zaintzeko Hirigintza Entitatearen estatutuak. Hasierako onespena

Baztango Udalak, 2015eko apirilaren 30ean egin osoko bilkura arruntan, 12. puntuan, erabaki zuen.

1.–Lekarozko Campus Enpresariala Zaintzeko Hirigintza Entitatearen estatutuak hasiera batez onestea.

2.–Lurraldearen Antolamenduari eta Hirigintzari buruzko abenduaren 20ko 35/2002 Foru Legearen 161. artikuluan ezarritakoarekin bat, erabaki hori eta estatutuen proiektua jendaurrean egonen dira hogeitau egun baliogabe, iragarki hau Nafarroako Aldizkari Ofizialean argitaratzen denetik hasita. Bitarte horretan ukiturik gertatzen direnek aztertzen ahaliko dituzte eta bidezko iruditzen zaizkien alegazioak aurkeztu. Delako proiektua udal honen Idazkaritzan dago.

Baztanen, 2015eko apirilaren 30ean.–Alkatea, Garbiñe Elizegi NARBATE.

L1507106